

# Du grønne, glitrande tre, god dag

Tekst: Johan J. Krohn  
Omsett av Bernt Anker

Melodi: C. E. F. Weyse

Musical score for the song "Du grønne, glitrande tre, god dag". The score is written in treble clef, 3/4 time, and E-flat major. It consists of five staves of music with lyrics underneath. Chords are indicated above the notes.

Du grønne, glitrande tre, god dag! Velkommen,  
du som vi ser så gjernene, med julelys og med norske  
flagg og høgt i toppen den gyldne stjerne! Ja, ho må  
blenkja så vi må tenkja, ja, ho må blenkja så vi må  
tenkja på Jesus Krist, på Jesus Krist.

2. Den fyrste jul i eit framandt land  
den store stjerna på himlen lyste.  
Ho skulle syna for alle mann  
den ringe heim som vår Frelsar hyste.  
I stjerneglansen gjekk engledansen,  
i stjerneglansen gjekk engledansen  
om Betlehem, om Betlehem.

3. Om Jesus-barnet fortalde mor  
om kvelden heime, når vi var inne.  
Vi veit hans bod og hans milde ord,  
og aldri dei skal gå oss or minne.  
På han vi tenkjer når stjerna blenkjer,  
på han vi tenkjer når stjerna blenkjer  
på juletre, på juletre.